

DE MASTICATIONE MORTUORUM IN TUMULIS

Michael Ranft, Christian Gottfried
Cleemann

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY

THE UNIVERSITY OF CHICAGO
LIBRARY



P R Æ F A M E N.

M Iraberis, BENEVOLE LECTOR, cur tale mihi in pagellis
 hise pertractandum sumserim Thema, quod tot tantisque im-
 plicatum sit controversis, ut sane eloborandum mihi sit in reddenda
 ratione. Ad PHYSICAM spectat, adeoque ad Disciplinam,
 cujus mysteria ne optimus quidem rerum naturalium venator perscruta-
 bitur, etsi per totam vitam die noctuque signorum obitus speculetur &
 ortus. Quid itaque de me putaveris, qui in sacrarum literarum studiis
 versor & nullus tamen dubitavi, ad investigationem quam maxime occul-
 tarum Naturæ virium applicuisse animum. Verum cum ad omnia nisi
 omniaque tentare deceat literarum studiosum, Tibi non adeo alienum vi-
 debitur, si arduam hanc & valde difficilem pro virium tenuitate excuti-
 endam suscepi doctrinam DE MASTICATIONE MORTUORUM IN
 TUMULIS. Ansam ad eandem tractandam nactus sum maxime ido-
 neam, cum ex Relationibus Publicis mihi haud ita pridem ejusmodi inno-
 tuerit Naturæ prodigium, quale in mortuorum cadaveribus vix unquam
 animadversum esse crediderim. Statim mihi tunc apud animum constitue-
 bam, aliquid de hac re speciminis loco pro publica ventilare cathedra. Sed
 elaborationem vix aggressus in tantum me venisse campum cognovi, ut
 intra unius duntaxat Dissertationis cancellos subsistere non potuerim.
 Haud iniquo itaque animo patieres, LECTOR BENEVOLE, quod duas
 Tibi de hac materia exhibiturus sim Dissertationes: unam HISTORICO-
 CRITICAM, alteram PHILOSOPHICAM. Prima eadem est, quæ Tibi
 hise jam in conspectum venit paginis. Laborem non vulgarem quidem
 at levidensem sane putabis. Temporis enim penuria & alia circumstan-
 tia impedimento fuerunt, ut in eo non, ut fieri debuit, opera studii-
 plurimum consumere potuerim. Spe itaque laudis & jactantia doctrina
 non intumesco; in hoc saltem opella hujus pretium fecisse latabor, si labor
 meus tibi non plane inanis fuerit atque molestus. Id quod eo confidentius
 sperare jubeor, cum nullus mihi adhuc extitisse conslet Auctor, qui ex pro-
 fesso aliquid de hac materia scripserit, præter M. PHILIPPUM ROH-
 RIUM, Marck-Ranstad. qui iidem Dissertationem aliquam an. 1679. in
 hac Alma nostra Universitate ventilavit, quam inscripsit Historico-Phi-
 losophicam de Masticatione Mortuorum. Nos multa primum in illa
 quærebamus, quæ ad nostram rem facerent, at postea vidimus, eam mul-
 ta quidem benigne pollicitam esse, sed quæ posthinc exsolvere recusaverit.
 Quæ cum ita sint, nostrum qualemcunque Tibi commendatum habebis la-
 borem, cujus prima hæc si conamina equi bonique consulueris, breve post
 tempus favente Deo solidiora forsitan & meliora a nobis expectabis. Vale
 interim & save studii nostri.

CONSP.

CONSPECTUS DISSERTATIONIS.

- §. 1. *Potentiz occultæ in Natura.*
2. *Non omnia vel Deo vel Diabolo adscribenda.*
3. *Rarum Enthusiasmi Poetici exemplum.*
4. *Ab ignorantia rei ad rei negationem non consequentia.*
5. *Mutui omnium inter se corporum & spirituum influxus.*
6. 7. *Sympathias & Antipathias variz species.*
8. *Masticatio Mortuorum cur in dubium vocata?*
9. *Orthodoxia notata, Miracula Dei a Mirabilibus Naturæ distinguenda.*
10. *Pontificiorum fides miraculosa vapulans.*
11. *Masticationis mortuorum exempla.*
12. *Singulare Exemplum ex Hungaria.*
13. *Tractationis ratio.*
14. 15. 16. 17. *Masticatio Mortuorum non miraculum divinum.*
18. 19. 20. 21. *Nec mere Diabolicum prodigium.*
22. 23. *Dæmones S. Spiritus intermedii. Quid iis hic tribuendum? GARMANNUS.*
24. *Falsæ opiniones revelluntur. Mortui num in tumulis mandant?*
25. *Veteres Sarmatæ. Stridor animarum. HOMERUS. DIOGENES LAERTIUS. LUCIANUS. SOPHOCLES.*
26. *Quantum superstitio? Subterranei fragores unde?*
27. *Meteoron Gotbanum.*
28. 29. *Hominum imaginatio. Terror Mortuorum pulsus in tumulis.*
30. *Mortui num devorent vestes?*
31. 32. *Judæorum Azazel carnivorus. Mus Judaicus.*
33. *Mubamedani. Angelus mortis. Examen subterraneum.*
34. *Spiritus Eurynomus. Spiritus Asuiri. PAUSANIAS notatur.*
35. *Animalia carnivora. Hyæna.*
36. *Striges aviculæ sanguisugæ.*
37. *Serpentes carnivori. Ex medulla humana. WOLFG. FRANZIUS.*
38. *Mortui lintea sua devorantes.*
39. *Animantia subterranea. Mures.*
40. 41. *Serpentes in cadaveribus humanis. Causa mortuorum voracitatis.*
42. 43. *Sexus foemininus. ROHRIUS & PITZSCHMANNUS notati. Rationes superstitionis. SCHLUSSELBURGIUS. GARMANNUS.*
44. *Masticatio mortuorum tempore pestis.*
45. 46. *Diabolus pestis causa. Terror quantum in contagio? RIVINUS. HELMONTIUS. GEYERUS.*
47. *Turcæ pestem non timentes. PEST-ENGEL.*
48. 49. *Fœtor cadaverum. Num inde pestis? CORNELIUS A LAPIDE.*
50. *Masticatio mortuorum quid ad propinquorum mortem.*
51. *Conclusio. Promittitur ALTERA DISSERTATIO.*

Univerſi



Q. D. B. V.

§. I.



Niversa Natura occultis potentiis plena est. Philosophia quidem Naturalis supremum quasi nostris temporibus perfectionis gradum adeptam esse videtur, at semper tamen & quotidie aliquid novi apportat, quod eruditissimas Philosophorum subvertit hypothesen. Illi, qui totam Naturam non nisi mechanice operari contendunt, omnes ejusmodi occultas Naturæ vires, & ut vulgo audiunt, qualitates tanquam aniles explodunt ineptias, in Scholis Peripateticorum genitas. Verum,

cum Naturam non nisi a posteriori intueantur, & omnia ad experimenta restringant, extremis suis, ut dicitur, digitis istas ne quidem attingunt, quia super omnes possibilitatis leges ipsis positæ videntur. Et sane phenomena illa, quæ nostra ætate in regno Naturæ experta accepimus, ita comparata sunt, ut non mirum videatur, si omnia & quidem optima Philosophorum oracula propterea obmutescant.

§. II.

Dantur nonnulli ex Philosophorum cohorte, qui omnia ejusmodi Naturæ mirabilia non nisi vel Deo vel Diabolo adscribere audent. Verum quis non talem philosophandi modum in superstitiosis numeret hariolektionibus? Satis aperte enim illi ignorantiam suam in cognitione potentiarum Naturæ produnt. Nulli quidem negamus influxum spirituum in

A

corpora.

corpora. Nos ambabus potius largimur manibus, non Deum modo in Natura per singularem suam providentiam miracula interdum adhuc patrare, sed quoque Diabolum pro sua virium naturalium cognitione insigni mirabilia committere posse. Verum omnia propterea spiritibus eorumque immediato influxui assignare, nimis jejune philosophatum foret. Exerunt enim sese quam plurimum in phaenomenis rarioribus tales circumstantiae, quae palam testantur, eadem nec a Deo nec a Diabolo immediate ortum habere posse. Ambo non nisi secundum fines suos agunt. Hinc semper in ejusmodi prodigiis vel bonitas divina vel malitia diabolica manifesta redditur.

§. III.

Ante tres vel quatuor circiter annos orbi erudito tale de Enthusiastico poetico innotuit exemplum, quale vix unquam per hominum memoriam extitisse credimus. Circumstantias ejusdem, qui ex *Assis Erud. germ. P. LXXIX. p. 514. seqq.* secum animo volutaverit, profunditatem quidem naturalium virium mirabitur, sed nec Divinae nec Diabolicae immediatae operationi aliquid hic adscribere audebit. Si Deus enim miraculum aliquod super omnem Naturae ordinem & potentiam hic excitaverit, finis aliquis divinus nobis omnino innotesceret, qui vel sit gloria Dei, vel salus hominum, quod utrumque tamen hic cessat. Neutiquam quoque Diabolo prodigium hoc Naturae attribuendum putamus, quia subiectum persona est, de cujus vitae integritate nemo dubitat: ut alias jam taceamus circumstantias.

§. IV.

Multas itaque in Natura adhuc latere potentias, certum est. De earum effectibus nos non alia de causa admiratio subit, quam quia nos illae plane fugiunt. Quis inde tamen earum existentiam neget? Homo simplex, qui propter levem rationis suae culturam, rerum causas scrutari nequit, multa diabolicis operationibus tribuenda haberet, si ab ignoratione rei ad rei negationem valeret consequentia. Certum itaque est, Naturam manere imperscrutabilem. Quo simpliciores vero Naturae vires evadunt, eo propius accedunt primis principiis, & eo magis in prodigium trahuntur.

§. V.

Ut vero existentiam occultarum potentiarum Naturae eo manifestiorem faciamus, statuimus mutuum aliquem omnium spirituum & corporum inter se influxum. Operantur enim spiritus in spiritus, operantur spiritus in corpora & operantur denique corpora in corpora. Quartum vero dari vix credimus, quod scilicet corpora etiam operentur in spiritus. Inter has operationes occultas facile primum merentur locum operationes corporum in corpora, quia effectus earum maxime in cernendi sensum cadunt.

cadunt. Tanta istæ autem veritate fundatæ sunt, ut ad easdem evertendas vix unquam existerit bonus Philosophus. Sympathias & Antipathias nomine vulgo insigniuntur, de quibus magna passim prostant literarum monumenta. ATHANASIUS KIRCHERUS hoc *Magnetisimum Naturæ* nuncupavit, de quo insigne in monumentis reliquit opus.

§. VI.

Existentiam sympathias & antipathias in Natura nemo negabit, qui Magnetis virtutem attractivam unquam expertus est. Canes intra & extra domos ululatu suo insolito inconditoque instantem ægrorum mortem non raro præsignificare solent, & quodlibet animal cibum suum ex solo odoratu sentire, quotidie cernimus. Quem quæso latet, qualem non harmonia musica in hominum animis excitet sympathias speciem? Quid non morbis hereditariis & imaginariis in hac re tribuendum venit? Quanta non lunatici & illi, quorum non est ferre certa animalia e. g. feles &c. sympathias & antipathias præbent exempla? Et quis plura enarrare valeat, quæ ad demonstrandam operationum corporum in corpora existentiam faciunt, & cuius in communi vita satis obvia sunt.

§. VII.

Hiscæ omnino quoque annumerari debent multa alia ejusmodi Naturæ phænomena, quæ majoris quidem momenti sunt, sed neququam tamen ex mera Magia Diabolica fluunt. Pertinent huc cruentationes corporum interfectorum, virgula divinatrix, fascinationes per imaginationem magicam, divinationes animalium, incantamenta, insomnia divinatoria, Tarantismus, influxus astrorum, amarium unguentum & multa alia, quorum causas haud minori cum probabilitate occultis Naturæ potentiis adscribere possumus, quam forsitan transplantationes arborum & morborum, rabiem caninam, inoculationem variolarum, pulverem sympatheticum & id genus alia, de quibus tamen nulla Magiæ Diabolicæ extat suspicio. Nos non omnem quidem spirituum influxum in ejusmodi occultis Naturæ operationibus negare audemus. Probe enim nobis cognitum atque perspectum est, quanta cum calliditate & fraudulentia Diabolus homines per artes magicas decipere soleat ad ampliandum suum diabolicum regnum. Verum cum hujusmodi operationes nonnisi per sagas, quibus varia ratione occultiores Naturæ vires manifestat Diabolus, exerceat, concludimus inde, fieri hæc omnia etiam posse secundum merum Naturæ ordinem absque spirituum concursu.

§. VIII.

Quum exinde igitur satis pateat, varias dari operationum corporum in corpora species, constituemus etiam aliquam, quam vocabimus **MASTICATIONEM MORTUORUM IN TUMULIS.**

Dudum multa jam de ejusmodi mortuis in tumulis voracibus nobis narrare patres matresque, sed dedecori nobis esse visum fuit, hisce fabellis & Aëlopeis logis, quarum auditione non nisi aniculæ ducantur, fidem habere. Causæ in promptu sunt. Primo nos ejusmodi voraces mortuos non propriis oculis vidimus, deinde phenomenon hoc nostris ratiociniis non comprehendere potuimus, & ultimum denique superstitionis accusationem cane pejus & angue fugimus. Quid igitur mirum, si omnia, quæ in historiarum monumentis passim occurrunt, exempla in dubium vocavimus? Datur quidem hominum genus, a Natura ita instructum, ut ex superstitionis harioationibus mulcedinem captet. His creditu facilimum est, quicquid audiant. Attamen quod non rationis suæ lumine collustrare queunt, id spiritibus ex orco vocatis & Magiæ Diabolicæ temere adscribere non dubitant.

§. IX.

Novimus præterea etiam quosdam, quibus sola orthodoxia Evangelicæ Religionis impedimento est, quo minus iis assentire queant, quibus alias assensum præbere nulli dubitent. Hæreseos enim criminationem tanto cum horrore reformidant, ut quasi Andabatarum more in ecclesiæ doctorum verba jurare haud erubescant. Sed plerumque non habent, quod timeant. Veritas Scripturæ Sacræ interdum ex meris præconceptis opinionibus violata habetur. Compertum inter alia hoc habemus in doctrina de Magia Naturali. Cum enim antiquiores ecclesiæ Doctores ex occultarum potentiarum Naturæ ignoratione omnia Mirabilia Magiæ Diabolicæ adscripserint: subiit pectora nostra opinio, quasi omnis de Magia Naturali doctrina ad destruenda Dei miracula faciat. Sed falsum est. Miracula divina tanta cum præminetia ab aliis Naturæ prodigiis distinguuntur, ut miremur, quomodo inter se confundi possint. Divisiones aquarum in mari rubro & Jordano factæ, resuscitationes mortuorum & multa alia, quæ Christus, Prophetæ & Apostoli per digitum Dei in V. & N. T. effecerunt, sunt & manent Naturæ mysteria, ad quæ enucleanda & imitanda ne totus quidem diabolorum exercitus ex orco vocatus cum omnibus Nigromanticis sufficeret, etsi conjunctis viribus operari inciperent.

§. X.

Verum quis omnes propterea corporum in corpora operationes, quæ secundum Naturæ ordinem paulo inconsuetiorem sunt, negaret? Nil enim hic veritati divinæ derogatur. E re potius Evangelicæ Religionis esse putamus, si ostendi potest, in quantum Deus immediato suo influxu in Naturæ prodigiis concurrat. Inter omnes enim constat, Romanam ecclesiam de fide miraculosa adhuc multum gloriari. Quando itaque nos
omnia

omnia Naturæ Mirabilia statim pro miraculis vel saltem pro effectibus Magiæ Diabolicæ venditemus, nonne facillime ab iisdem dolis ludi & circumduci possumus? Masticationes mortuorum in tumulis sine dubio quoque ceu miraculum aliquod divinum venerabitur Pontificiorum fides, & nescimus quam fortasse doctrinam iisdem corroborare studebunt. Quis nobis igitur vitio vertet, si hæc masticationes naturali cuidam corporum influxui adscribere tentemus? Modus quidem nos semper latebit, sufficit tamen rem. existentialiter demonstrari posse.

§. XI.

Antequam vero mirum hocce Naturæ prodigium dilucidationibus nostris qualibuscunque subjicimus nobis exempla in medium producenda sunt, quibus rei existentiam confirmamus. In genere conferendi hic sunt SCHWIMMERUS in *Curiosit. Philos. Secret. Diff. IV. §. 12. seqq.* HENR. KORNMANUS de *Miracul. Mort. Part. VII. c. 64.* GARMANNUS de *Mirac. Mort. Lib. I. Tit. III. p. 116. 117.* GEORG. PHIL. HARSDOERFFERVS in *Theatr. Trag. cap. CXV. p. 406.* PHIL. ROHR in *Diff. de Masticat. mort. c. I. Tb. 7. & VOIGTIUS in den Physikalischen Zeit-Vertreiber p. 516.* qui multa de mortuorum masticatione collegerunt exempla. Singularia vero exempla videre sunt apud Megalandrum nostrum LUTHERUM in *Colloqu. commenf. Tit. 24. fol. 211. 212. it.* ANDR. MOLLERVM in *Annal. Freiberg. p. 254.* CONR. SCHLUSSELBURGIUM in *der gründl. Erklärung des XCI. Ps. conc. XII. p. 155.* MART. BOHEMUM von den drey Land-Plagen conc. XVII. fol. 169. ADAM. ROETHERUM in *Concion. Pestil. WENCESL. HAGENECIUM in Chron. Boh. P. I. fol. 419. b.* JUSTINUM ORTOLPH MAROLT in *Loemograph. p. 92. seqq.* MART. ZEILERUM in *Nor. ad Reffer. Hist. Trag. p. 32.* HENR. ROTHUM in *conc. funebr. 30.* in additamentis von Schmatzenden Todten. PITZSCHMANNUM in *Leichen-Redner P. II. p. 856.* IGNAT. HANIELEM de *Peste in Schiefelbein.* MART. FABRICIUM in *Paradox. λογισμός p. 123.* ERASM. FRANC. in *Höllischen Proteus n. 28. p. 260. seqq.* HERCUL. SAX. c. XI. de *Plica &c.* Huc etiam spectant, quæ Rev. P. GABRIEL RZACZYNSKI in *Histor. Natur. Curios. Regni Polon. quæ A. 1721. Sandomiriz in 4. prodiit, refert, & quidem Tract. XIV. Sect. II. ubi de cruentationibus cadaverum agit, & hac occasione multa simul profert de mortuis in tumulis adhuc voracibus & vicinis viventes spectrorum modo trucidantibus. Poloni speciali nomine Upiers & Upierzycy appellant de quibus dictus Autor authentica producit documenta. Confer *Acta Erudit. A. MDCCXXII. M. Jan. p. 17.**

§. XII.

Recentissimum, quod nobis innotuit, & omnium maxime memoratu dignum exemplum, est illa relatio ex Hungaria, quam ex Novellis publicis haud ita pridem compertam accepimus. Digna est, ut verbosus ex *Relat. publ. Lipsiensibus a. c. p. 503. seqq.* hoc loco inferendam curemus & quidem in lingua vernacula:

WIEN, vom 31. Julii. Man sieht in den hiesigen Zeitungen oder so genannten Diario einen Bericht, welchen der Kays. Provisor in dem Gradisker District in Hungarn an die Kays. Administration zu Belgrad wegen einer besondern Begebenheit ergeben lassen, welcher unverändert und ohne darüber zu urtheilen, wie er sich gedruckt befindet, folgendes Inhalts ist: Nachdem bereits vor 10. Wochen ein in dem Dorff Kisolova, Rahmer-District, gefessener Untertan, Namens Peter Plogojovitz, mit Tode abgegangen, und nach Ratzischer Manier zur Erden bestattet worden, hat sich in ermeldetem Dorff Kisolova geäußert, daß innerhalb 8. Tagen 9. Personen, sowohl Alte als Junge, nach überstandener 24-stündiger Kranckheit also dahin gestorben, daß, als sie annoch auf dem Todt-Bette lebendig lagen, öffentlich ausgesaget, daß obbemeldeter vor 10. Wochen verstorbener Plogojovitz zu ihnen im Schloff gekommen, sich auf sie gelegt und gewürget, daß sie nunmehr den Geist ausgeben müßten; gleichwie denn hierüber die übrigen Untertanen sehr bestürztet, in solchem noch mehr bestärcket wurden, da der verstorbene Peter Plogojovitz Weib, nachdem sie zuvor ausgesagt, daß ihr Mann zu ihr gekommen, und seine Oppanki oder Schube begehret, von dem Dorff Kisolova weg, und sich in ein anderes begeben; sientemahl aber bey dergleichen Personen (so sie Vampyri nennen) verschiedene Zeichen, als dessen Körper unverweset, Haut, Haar, Baart, und Nagel an ihm wachsend zu sehn seyn müssen, als haben sich die Untertanen einbellig resolviret, das Grab des Peter Plogojovitz zu eröffnen, und zu sehn, ob sich wirklich obbemeldete Zeichen an ihm befinden; zu welchen Ende sie denn sich zu mir hieher verfügen, und nebst Andeutung vorerwehnten casus mich sammt dem hiesigen Poppen oder Geistlichen ersuchet, der Besichtigung beizuwohnen; und ob ihnen schon ersichtlich solches Factum reprobiere, mit Meldung, daß ein solches vorhero an eine löbl. Administration unterthänig gehorsamst berichten, und der selben hohe Verfassung hierüber vernehmen müßte, haben sie sich doch keinesweges hierzu bequemen wollen, sondern vielmehr diese kurtze Antwort von sich gegeben; ich moechte thun was ich wolte, allein wosern ich ihnen nicht verstaten würde, auf vorherige Besichtigung und rechtliche Erkenntnis mit dem Körper nach ihrem Gebrauch zu verfahren, müßten sie Haus und Guth verlassen, weil bis zu Erhaltung einer gnädig-

gnädigsten Resolution von Belgrad wohl das gantze Dorff (wie schon unter Türckischen Zeiten geschehen seyn solte) durch solchen üblen Geist zu Grunde gehen könnte, welches sie nicht erwarten wolten. Da denn solche Leute weder mit guten Worten noch Bedrohungen von ihrer gesasten Resolution abhalten konnte, habe ich mich mit Zuziehung der Gradisker Popen, in gemeldeter Dorff Kisolova begeben, den bereits ausgegrabenen Körper des Peter Plogojovitz besichtigt, und gründlicher Wahrheit gewiß folgendes befunden: daß erstlich von solchem Körper und dessen Grabe nicht der mindeste sonst der Todten gemeiner Geruch verspüret, der Körper, außer der Nasen, welche etwas abgefallen, ganz frisch, Haar und Barth, ja auch die Nägel, wovon die alten hinweg gefallen, an ihm gewachsen, die alte Haut, welche etwas weißlich war, hat sich hinweg gescheelet, und eine neue frische darunter hervor gethan, das Gesicht, Hände und Füße und der gantze Leib waren so beschaffen, daß sie in seinen Leb-Zeiten nicht hätten vollkommener seyn können; in seinem Munde habe nicht ohne Erstaunen einiges frisches Blut erblicket, welches, der gemeinen Aussage nach, er von denen durch ihn Umgebrachten gezogen; in summa, es waren alle Indicia vorhanden, welche dergleichen Leute (wie schon oben bemercket) an sich haben solten. Nachdem nun sowohl der Popp als ich dieses Spectacul gesehen, der Poebel aber mehr und mehr ergrimmet als bestürzter wurde, haben sie gesammte Unterthanen, in schneller Eil einen Pfeil gespizet, mit solchen den todtten Körper zu durchstechen, an das Hertz gesetzt, da denn bey solcher durchstechung nicht nur allein häufiges Blut, so ganz frisch, auch durch Ohren und Mund gestossen, sondern noch andere wilde Zeichen (welche wegen hohen Respects umgebt) vorgegangen; sie haben endlich offtermeldeten Körper, in hoc casu, gewöhnlichen Gebrauch nach zu Aschen verbrennet, welches denn einer hochlöblichen Administration hinterbringen, und anbey gehorsamst unterthänigst bitten wollen, daß, wenn hierinne einen Fehler begangen haben solte, solchen nicht mir, sondern dem vor Furcht außer sich selbst gesetzten Pöbel beyzumessen.

Käyserl. Provisor im Gradisker District.

§. XIII.

Tria nunc nobis momenta circa prodigium hoc explicanda veniunt. Cum enim non nisi tres nobis hic possibiles esse queant causam classes, quas vel a Miraculis divinis, vel a Magia Diabolica vel a operationibus corporum sympatheticis petimus; nobis demonstrandum incumbat 1.) quod tales masticationes mortuorum non in miraculis divinis, nec

nec 2.) in meris Diaboli prodigiis, sed 3.) in occultis naturæ operationibus sint collocandæ.

§. XIV.

Miraculum dicimus effectum illum divinum, qui extra ordinem & supra omnes causas naturales per influxum divinæ omnipotentis producitur ad confirmandam divinæ veritatis auctoritatem. Queritur hinc, num etiam ad nostram ætatem miracula spectent. Simpliciter & in sensu latiori sumta nos non negamus, sed tantum stricte sic dicta, ut jam descripsimus, quæ nostris temporibus omnino cessarunt. Spectant enim ad ecclesiam tantummodo plantandam, adeoque ad discipulorum Christi ætatem. Hodie itaque non amplius eadem expectare habemus, cum divinæ veritatis auctoritas satis superque nobis confirmata sit. Romana equidem Ecclesia nobiscum non unam eandemque inflat tibiam. Gloriatur enim adhuc de suis miraculorum donis. Sed ex Scriptura S. scimus, eadem non nisi mendacia esse. Quicquid itaque nostra ætate per extraordinarium Dei influxum supra Naturæ vires nobis accidere solet, effectus sunt singularis providentiæ divinæ, quæ in latiori duntaxat sensu miracula audiunt.

§. XV.

Masticationes mortuorum si itaque pro miraculis venditare velimus, vel *miracula doctrinæ* vel *miracula providentiæ* sint, necesse est. Miracula doctrinæ dudum in ecclesia exspirasse jam diximus. Verum ponamus, dari adhuc existentiam eorum; omnes tamen circumstantiæ impedimento sunt, quo minus saltem mortuorum masticationes miraculorum titulo possint accedere. Quodlibet enim miraculum divinum stricte sic dictum 1.) confirmat veritatis divinæ auctoritatem, 2.) patrat per Prophetam & Apostolum aliquem immediate a Deo & Christo missum, & 3.) convictos de sua veritate & integritate reddit quoslibet id videntes & audientes. Probatione haud indigemus, cum ex Scriptura S. nobis harum circumstantiarum necessitas satis superque innotescat.

§. XVI.

Quid nobis igitur de mortuorum masticatione dicendum erit? Num aliqua, quæso, ex his hic animadvertitur miraculi divini proprietates? Nos nullam deprehendimus. Deest veritas divina hic confirmanda. Deest Prophetæ & Apostoli per digitum Dei aliquid producentes. Deest denique hominum convictio, quam semper divina miracula de sua veritate in cordibus operantur. Cui itaque bono Deus tale in Natura excitaret miraculum, si plane nullus extaret finis? Finis Dei duplex est, vel gloria sui nominis, vel salus hominum. Ad gloriam divini nominis tales mortuorum operationes nihil faciunt. Magis eam impediunt quam

quam promouent. Confunduntur enim vera miracula cum falsis, ex qua confusione magnum ipsis accrescit præjudicium, quod gloriæ Dei valde admodum adversatur. Alter Dei finis in miraculis salus hominum est, quæ vel temporalis vel æterna est. Ad utramque consequendam requiritur fides aliqua in Deum & ejus promissiones, quæ per miracula divina optime accendi debet. Sed ex masticatione mortuorum quæ nobis inde fides? quæ nobis inde salus? Subitam mortem homines nunquam inter singularia Dei beneficia retulerunt, inprimis violentam, quæ cum ejusmodi circumstantiis homines subit, ut solet fieri in masticatione mortuorum. Fidem vero quod attinet hinc inde expectandam, nobis de illa nil constat. Superstitio magis dicenda foret quam vera fides, si tale quippiam in cordibus anicularum operetur mortuorum voracitas. Fides nostra satis confirmari potest ex Mose & Prophetis, & hos si audire nolumus, nec credemus mortuis, si vel maxime ex tumulis prodirent & ad nos verba facerent.

§. XVII.

Alterum miraculorum genus exerit sese circa divinam Providentiam, quæ propterea miracula providentiæ nuncupavimus. Sunt eadem non mirriora singularis providentiæ divinæ exempla, quæ præter consuetum Naturæ ordinem fieri solent ad conservandam vitam nostram & corporis integritatem. Exemplo nobis est puellula illa, quæ haud ita pridem in Marchia Brandenburgica a rapacissimo lupo retrorsum faucibus quidem abrepta, sed mox a bestia sponte iterum sine ullo damno relicta fuit, prout nobis hoc ex *Novellis Publicis* innotuit. Talia miracula nostris adhuc temporibus quotidie fere accidunt, sed semper ad vitæ nostræ temporalis conservationem tendunt. Masticationem mortuorum his nullatenus annumerari posse, in aprico est. Magis enim ista ad vitam hominis destruendam facit quam conservandam.

§. XVIII.

Quum nulla igitur ratione tale Naturæ prodigium in Dei miraculis collocandum sit, nobis nunc nova subnascentur quæstio, num scilicet Diabolo & quas in corporibus interdum exercet, operationibus attribuendum veniat? Maxima pars hominum ad sententiam hic affirmativam pronam deprehenditur. Cum occultas enim Naturæ potentias ignorent & nil divini ibidem videant, Diabolice omnino Magiæ adscribendum putant. Nos ipsos quondam in hanc sententiam transiisse fatemur Astutia infernalis hujus spiritus in decipiendis hominibus tantumplex & tanta est, ut nunquam satis indagari nec erogitari possit. Quid mirum igitur si in amplectenda hac sententia nos quavis quoque occasione facil-

B

hinc

limos præstitimus? Verum enim vero cum notabile nuper illud masti-
cantis cujusdam defuncti exemplum nobiscum paulo accuratius pensita-
verimus, tria nobis obvenerunt momenta, quæ nos merito ad facien-
dam ex hac sententia discessionem perinoverunt. Obstat enim nobis
1.) quod nullum plantasma hic occurrat, 2.) quod Diabolo nullum jus
vitæ & necis in homines competat, & 3.) quod circumstantiæ nonnisi
causas indicent naturales.

§. XIX.

Primum, quod nobis perlustrandum incumbit, momentum versa-
tur circa externa prodigii hujus phaenomena, quæ nullam præstigiæ
speciem præ se ferunt. De spectris enim & diabolicis apparitionibus
fatis cognitum est, easdem non nisi phantasinata esse. Putamus quidem,
nos revera aliquid videre, & locum si accedimus nil deprehendimus.
Sic etiam cum auditu comparatum est in tumultibus, quos spectra in-
terdum in cellis & culinis excitant, ita, ut omnia in mille ruinas cor-
ruiere videantur, quæ tamen postea adhuc in loco suo prorsus immuta-
ta inveniuntur. Non mirum hoc est. Diabolus tanquam spiritus purus
in alterius Imaginatione facile ideas figurarum & sensationum imo etiam
vocum excitare valet, quanquam extra hominem revera nil adsit, quod
in cernendi sensum cadat. Patet hoc ex iis apparitionibus, quæ non
nisi uni soli sunt, etiam si multi proxime simul adstantes nil percipiant.
Interdum quidem apparitio quoque extra hominem accidere solet,
quando nimirum spiritus in aëre phantasticum aliquod induit corpus.
Verum ita id semper comparatum est, ut accedente luce clariori sponte
in nihilum diffuât. Masticationem mortuorum si sub examen voca-
mus, de eadem nil nobis de tali plantasmate constat. Cutis, capillus,
barba, ungues & cætera corporis membra a quolibet manibus attrahi
potuerunt. Nec ulla quoque ratione Diabolus, vel quisquis ille spiritus
fuerit, qui ex erronea opinione vulgi per ejusmodi cadaveris mastica-
tionem tantam in domibus hominum ediderit stragem, se spectrorum more
manifestum reddidit iis, qui ipsum in suis operationibus turbaturum con-
venerunt, id quod tamen plerumque fieri solet. Legimus quidem in
Hungarica illa relatione, defunctum Plogojovitium ad homines in somno
venisse, se in eorum corpus dedisse, iisdemque gulam ita interstrinxisse,
ut morte denique occubuerint; legimus præterea, eundem quoque
uxorem suam accessisse & calceamenta sua ab eadem postulasse. Verum
quid de hisce circumstantiis sentiendum sit, ulterius declarabimus. Hoc
jam dixisse sufficiat, quod a rei imaginatione ad rei existentiam non valeat
consequentia, alias quoque ephialtes & alii morbi imaginarii non nisi
spiritibus attribuendi venirent.

§. XX.

§. XX.

Alterum momentum, quod nos impedit, quo minus Diabolo adscribere possimus tale prodigium, est, quod Diabolo nullum jus vitæ & necis in homines competat. Deus sibi soli hoc ceu regale divinum referavit. Ad suam enim imaginem cum homines formaverit, nemini jus aliquod in eorum vitam & mortem concessit, nisi magistratui politico, vices ejusdem quasi gerenti. Hic solus gladium justitiæ super maleficos stringere debet. Quis itaque Diabolo, illi de facie Dei detruso spiritui, qui ad æternas condemnatus est penas, tantam in homines per Dei filium in gratiam redactos assignaret potentiam, eosdem pro lubitu enecandi & conservandi? Extraordinarios interdum quidem Deus ad puniendos homines mittit executores judiciorum suorum, sed Diabolum sibi pro sua sanctitate in tali negotio deligere non consuevit. Legimus quidem de Jobo aliisque viris sanctis in sacris literis, eosdem a Diabolo male tractatos virgisque & colaphis admodum caesos fuisse. Liceatiam hanc Diabolus quidem non nisi a summo impetrare potuit Numine, sed ita limitatam accepit, ut in vitæ discrimen illos vocare prorsus non poterit. Unde ipsi ergo tanta potestas in mortuorum masticatione? Dictu sane horrendum foret, Diabolum intra septem dierum spatium ad decem homines violenta morte e vita eripuisse & adhuc plures erepturum esse. Permittit quidem sæpe Deus malo spiritui, ut apparitionibus suis quibusdam hominibus ejusmodi horrorem inculciat, ut præ alteratione mortem subeant. Sed Diabolus mortis hujus non nisi causa occasionalis est, non vero causa efficiens. Hoc vero in masticatione mortuorum omnino asserendum foret, si causas hujus Naturæ prodigii in Diabolo quæreremus.

§. XXI.

Tertium, quod nos ab illorum sententia cohibet, qui Diabolo mortuorum masticationem tribuunt, est, quod omnes circumstantiæ non nisi causas indicent naturales. Nulli quidem negamus, magos atque sagas, qui Diabolo a servitiis sunt, rebus non nisi naturalibus, imprimis facibus & excrementis uti in artibus suis diabolicis ad infestandos homines. Verum ejusmodi semper cum circumstantiis fieri solet, ut quilibet facile in iisdem Magiam deprehendat diabolicam. Hoc vero in masticatione mortuorum observare non possumus. Ibi enim ejusmodi occurrunt phænomena, quæ contrarium palam testantur. Cadaver Hungaricum nec abnodatum nec mutilatum, sed integrum ac perfectum in tumulo deprehenditur: excretiones, e. g. pili, barba, ungues &c. vegetantes conspiciuntur, & homines, qui mortem posthæc appetunt, nulla Diabolicæ fascinationis præferunt indicia. Cæterum, si concedamus etiam, lamiis hic aliquid tribuendum venire, non alias inde tamen oriundas esse crediderim operationes, quam ejusmodi fascinationes, quæ valetudini quidem

& integritati corporis nocivæ sint, nullo tamen modo vitæ periculum, ut taceam subitam mortem, censentur. Accedit, quod Diabolus nullum quoque hic finem habeat ad ampliandum suum regnum. Causata mors non nisi a Dei voluntate pendit, & damna corporis, quæ quoque Diabolus interdum intendit, inde non secuta esse legimus.

§. XXII.

Quæ cum ita sint, nullum dubium est, quin omnes hic cessent causæ supernaturales. Ex solis itaque Naturæ viribus nobis prodigium hoc explicandum venit. Sed queritur nunc quibus? & qua ratione? Dantur nonnulli ex Philosophorum ordine, qui de existentia Dæmonum multa differunt, inter quos facile primum meretur locum celeberrimus RUDIGERUS in *Physic. Div. Lib. I. c. 4. sect. 4.* Distinguunt istos a malis spiritibus, quos vulgo diabolos dicere solemus, & definiunt tanquam spiritus incompletos corpore elementari vestitos, qui sensatione, memoria & cognitione quidem, sed non intelligentia & reflexione gaudeant. In mundo spirituali idem illos esse asserunt, quod bruta sunt in regno animalium. Referunt huc omnes istas apparitiones & spectra, quæ vulgo Kergmännigen, Kobolte, Bier-Esel, der Drache &c. nominantur. Ethnici multa olim de hisce dæmonibus fabulati sunt, quos vel larvas & nimbras, vel lares & lemures, vel Faunos &c. appellarunt. Spiritus *αἰσῶδες* esse dixerunt, qui non damna inferant nec specie terribili appareant. THEOPH. PARACELSUS, qui de Magia Diabolica admodum suspectus habetur, eosdem expresse nuncupat die gütigen Geister, quod etiam GEORGIUS AGRICOLA facit in *Lib. de Animantibus subterr. p. m. 76. seqq.* ubi mites istos vocitat & immitibus seu *nanos* opponit.

§. XXIII.

Nos de hisce & talibus Dæmonibus nil statuimus. Ratio & revelatio eosdem ignorat. Quicquid vero in montibus, zedibus, nemoribus de iisdem observatur, satis superque de malitia diabolica testatur. GARMANNUS itaque in litteratissimo suo Tractatu *de Mirac. Mort. Lib. I. Tit. III. p. 122.* de iisdem recte judicat, si scribit: *nullus crediderim cum P. THYRÆO Dæmones, qui tantum sunt mites: nullos qui tantum sunt truculenti. Qui nunc mites post truculenti, qui nunc truculenti post mites. Nam nec mitibus sua deest bilis, aut nocendi potestas vel voluntas. Et qui odio in nos faciunt (quia mille artes norunt) etiam in angelos lucis se transformant & summam quandoque simulant mititatem. Habet hic locum vulgi pronuntiatio: es ist ein Teufel wie der andere.* Hæc Garmannus. Vulgus in Hungaria videtur juxta supra suppeditatam relationem Dæmonibus ejusmodi intermediis omnino quoque aliquid in mortifero suo prodigio tribuere. Cæsareo enim Provisorio inter alia ingenue declarasse legimus,

legimus, se aras focosque relicturos, nisi brevi judicialis inspectio institueretur, & cadaver more confiteo destrueretur; quia alias totus pagus per talem malum Dæmonem (iiblen Geist) interiturus sit. Accedit, quod moribundi dixisse ferantur, defunctum Plogojovitum ceu incubum ipsos invasisse & ad mortem usque strangulasse. Quis tales vero operationes miti alicui Dæmoni adscriberet? Et quis non sat evidenter ex hisce unguibus infernalem cognosceret leonem, si re vera hic aliquid spiritibus tribuendum arbitremur?

§. XXIV.

Ex mundo itaque corporeo nobis exponendum erit, quicquid de masticationibus mortuorum nobis innotescit memoratu dignum. Antequam vero in thesi aliquid ponimus, nobis removenda sint, quæcunque humana superstitio vel ex decepta phantasia, vel ex præconcepta opinione huic prodigio affinxit. Pertinent huc 1) quod tales mortui claro sonitu mandant, 2) vestes suas ore devorent, 3) plerumque de sexu feminino sint, 4) non nisi pestis temporibus existant, & 5) mortem non nisi propinquorum necessario causentur. Primum quod attinet omnes quidem relationes de masticationibus consentiunt, mortuos in tumulis porcorum instar cum claro sonitu dentibus suis mandere, unde quoque *die schmatzen den Todten* vocantur. Verum novissimum, quod nuper ex Hungaria accepimus exemplum de porcino hoc sonitu nil meminit; ex quo relinquitur signum hoc esse, ex hominum superstitione oriundum. In chronicis historiæ monumentis multa quidem fabulantur Scriptores de ejusmodi sonis ac vocibus, quas in cœmeteriis, in sepulchris, inque ipsiis tumulis feralibus, domibus itidem & in aliis locis auditas esse perhibent, sed plerumque rei veritas non nisi anilibus nititur auditionibus. Nulli quidem negabimus, Diabolum in cœmeteriis magnam interdum sibi sumere potestatem, sed non adeo frequenter fit, ut vulgo putatur, quia Deus piærum tumulos custodire & a Diaboli malitia & ludibrio intaminatos conservare vult. Largimur itaque, in locis, ubi homicidia & strages editæ sunt, interdum spectra videri, variosque ibidem tumultus, sonos ferales, aliaque lugubria verba, gemitusque percipi posse, sed idem in cœmeteriis utpote locis sacris fieri, jure meritoque negamus.

XXV.

Veteres gentiles de feralibus hisce sonis multa credidisse legimus, sed in indicandis causis inter se nullibi concordarunt. Sarmata olim causam adscripsisse videntur Dæmonibus. Ita enim JO. MELETIUS in *Epist. de Relig. Boruff. ad Georg. Sabin.* & JO. LOSICIUS de *Diis Samogitharum* de iisdem memorant, eos in sepulchris strictis gladiis auras verberasse hisce verbis: *cia fugite Dæmones in orcum.* Græci causam

ipsis insepulcorum animabus *signabant*, quas post mortem *τρίβειν* seu stridere credebant. HOMERUS hinc de Patrocli anima ita cecinit:

Ψυχὴ δὲ κατὰ χθονὸς ἤτε κενός
 "Ω, χέστο τετρυγία.

Anima sub terram tanquam fumus

Abit, murmure stridentis.

Iliad. Lib. XXIII. v. 109. Edit. Cantabr. p. 636. Plura de animarum fluidore quoque *in Odysf.* habet, ubi *Lib. XXIV. v. 5. seqq.* ita canit:

ταὶ δὲ τρίβουσιν ἔπεντο.
 Ὡς δ' ὅτε νυκτερίδες μυχῶ ἀντροῦ θεσπεσίῳ
 Τρίβουσιν ποτέοντα, ἐπεὶ κέτις ἀποπέσσειν
 Οὐραβοῦ ἐκ πέτρης, ἀνά τ' ἀλλήλησιν ἔχοντα
 Ὡς αἱ τετρυγία αἶψ' ἦσαν.

Ha autem stridentes sequebantur.

Sicut autem quando vespertilioes secessu antrimagini

Strepentes volant, postquam aliquis cadere fecit

Multitudine a petra sibique invicem cohaerent:

Sic ha stridentes simul ibant.

Hæc Homerus.

DIODEGENES LAERTIUS *L. VIII. de vit. Pyth. segm. 2. p. 11. 505.* hæc de Hesiodi anima habet: φησὶ δὲ Ἱερώνυμος κατελθόντα αὐτὸν εἰς ἅδ' αὖ, τὴν μὲν Ἑσιόδου ψυχὴν ἰδεῖν πρὸς κίονι χαλκῷ δεδεμένην καὶ τρίβουσαν. Hieronymus vero descendisse ad inferos atque Hesiodi quidem animam columna aræ vinculis adstrictam stridentemque vidisse. Menippus, quando apud LUCIANUM *in Necyomantia p. m. 306.* ex orco redit, inter alia memorat: ἐνθα δὲ περιπέτοντο ἡμᾶς τετρυγία τῶν νεκρῶν ὥσπερ αἱ: ibi nos stridula mortuorum umbra obibant. SOPHOCLES animas more apium βομβεῖν dixit: ut pluribus de hoc conferri meretur GERH. JO. VOSSIUS *de Idololatr. L. II. c. 28. p. 445. seq.* & PORPHYRIUS *de nympharum antro.*

§. XXVI.

Si dicendum, quod res, sonos huiusmodi infernales plerumque vel ex superstitiosa opinione vel ex decepta imaginatione oriri credimus. Quantum superstitio in hominum animis valeat, videmus in Paganis. Mortuorum animabus stridorem & bombam assignant, non alia causa, quam propter superstitiosas, quas de statu animarum post mortem foveant, sententias. His si destituti fuissent, sonos gemitusque in terræ gremio perceptos non nisi igni subterraneo adscripserint; qui summo interdum impetu arctos meatus, prædura saxa & cavernas pererrat, & horrendum, quem vulgo ejulatum vocant, sonitum, producit. Conferri

ferri de hoc meretur JO. RUD. GLAUBERUS in *Operibus Miner. P. II. p. 18.* Optime hos strepitus tonitruum æreorum genesi illustravit & inter tonitrua reputavit THOMAS ITTIGIUS de *Mont. incend. Sect. 4. c. 2. p. 292. seqq.* Ejusmodi fragores & tumultus glacies quoque petris marinis illiſa e. g. in Islandia concitat, quem sonitum pari cum absurditate olim damnatis animalibus tribuit Paganorum superſtitio, pro-
mi teſtantur SAXO GRAMMATICUS in *Pref. in Hiſt. Dan. p. 4.* & MARINIER in *der Reiſe nach Norden c. XLIII. p. 72.*

§. XXVII.

Idem adhuc eſſicit ſuperſtitio in hodiernorum Chriſtianorum ani-
mis. Ignorant plerumque cauſas ſubterranei fragoris, quæ multiplices
eſſe poſſunt, hinc ſtatim ſibi perſuadent, ſe mortuos in tumulis mandere
& pulſare audiviſſe. Naturales enim interdum adſunt cauſæ, quæ revera
in tumulis efficiunt ſonitum, inter quas vel ſolam retuliſſe juvat corru-
entiam, ut ita dicam, ſarcophagi, quæ abſque ſtridore vix accidere ſolet.
Operæ pretium erit, in medium hic quoque proferre meteoron illud, ut
vocat, Gothanum, quod MICH. BERNH. VALENTINUS
Dec. 2. Ann. VIII. M. C. obſ. 74. p. 188. ita recenset: *Veſpillo Gothanum tu-
mulum parans in ſarcophagum putredine conſumptum incidit, nihil præ-
ter coſtas & oſſa continentem. Quem cum removere vellet, ſonitum per-
cepit ſibulum & ſtridorem auſerinum exacte referentem, inſimulque ob-
ſervavit ex oſſis extremitate ſpumam pugni magnitudine erumpentem,
tanto quidem cum foetore, ut labia naresque comprimere & obturare
coactus fuerit; ſubſiſtit in altero tumuli angulo, viſurus, quid tandem
inde ſit eventurum. Paulo poſt tantum fragorem edidit maſſa illa ſpuma-
formis, ac ſi quis bombardam manuariam exploſerit, ſuccedente & in-
turbinem ſurgente ſumo quodam ceruleo, qui majori, quam ſpuma ante
dicta foetore ærem infecit, unde præſentano vitæ periculo fuiſſet obnoxius,
niſi relicto oculus tumulo ſe domum contuliſſet & ſuntis, neſcio quibus
medicamentis ſe reſeciſſet.* Hæc Valentinus. Conter ejusd. *Diff. epiſtol. 3.
p. 131. ſeqq.* Ex hocce nunc phænomeno aſſatim edocemur, quam plu-
rimas dari poſſe cauſas naturales, ſonitum in tumulis efficietes, quas
nemo ſane in rebus præternaturalibus quaſiverit, niſi ſumma qui ſuper-
ſtitione infectus ſit.

§. XXVIII.

Quantum vero ſuperſtitioni in tali negotio tribuendum venit, tan-
tum etiam deceptæ hominum imaginationi adſcribendum putamus. Sen-
ſus vera quidem nunciare concedimus, at incorrupti atque integri ſint,
neceſſe eſt. Nil autem eodem magis corruptos reddere valet, quam
pavor atque metus, qui teſte CICERONE mentem loco movere
ſolent

solent. Multa tamen videntur juxta ac si vera existant, quod tamen non est. Terror enim, si pectora occupavit, cerebrum movet, in vanas mentem imagines evocat, multumque inter salum ac verum medicæ caliginis fundit. Quid igitur mirum, si trepidationis plena mulier vel alia hujus farinae persona in cœmeteriis aliquid sub tumulis pulsare aut stridere perceperit, quod tamen nil nisi κατ' εἰδῶλων φαντασία fuerit? Exemplorum magnus nobis esset apparatus, si Annales chronicos, quos Misen'a nostra de singulis fere Urbibus in insigni copia tulit, perulstrare nobis visum fuisset. Unum alterumve saltem attulisse juvabit. Harburgi aliquando in nobilis foeminae tumulo per aliquot dies pulsus auribus exceptus est. Referato sarcophago in cadavere nec vitæ nec motus præteriti indicia apparuerunt. Tumba iterum terræ commissa, pulsare cadaver iterum animadvertitur, effoditur & referatur secunda vice sarcophagus, & nil, quod motum aut vitam cadaveris indicaret, repertum est. Refert hæc ex ADELUNGII *Hist. Harburg. p. 218.* ZIEGLERUS in *Historischen Labyrinth der Zeit n. 626. p. 128. it.* GARMANUS de *Mir. Mort. c. l.*

§. XXIX.

Singulare quoque exemplum de ejusmodi pulsante mortuo nobis enarrat GEORG. GOTTLÖB PITZSCHMANNUS in *Leichen-Redner p. 386.* Accidit illud an. 1701. Buntzlaviz in Silesia, & hujus fertur esse argumenti. Senex quidam quarta post obitum die consuetis ceremoniis sepelitur. Corpore terræ mandato a vespillone in tumulo percipitur pulsus. Vespillo id parum curans abit. Accidit, ut pro consuetudine cauponam frequentet. Ibi erga accumbentes sodales hujus pulsationis mentionem facit. Admonetur, ut magistratui hoc indicet, quia defunctus vitam forsitan adhuc habere possit. Vespillo morem gerit. Quilibet in dicta opinione confirmatur, ita, ut magistratus mortuum effodere jubeat. Verum tumba resecrata nil animadvertitur, nisi quod sarcophagi operimentum propter nimiam terræ molem contractum fuerit, quod sonum hunc effecerat. Ex his igitur apparet, hominum mentes quam plurimum ab imaginatione decipi. Egregie hinc CASSIUS apud PLUTARCHUM in *Vita Bruti* dixisse videtur: Ἡμετέρος, ὡς BPOTTE, λόγος· ὡς δὲ πάντα πάσχοντες ἀληθείας, οὐδ' ἐρωμεν, ἀλλ' ὕψρον μὲν τε χρεῖμα καὶ ἀπατεῖλον αἰσθησις. *Nostra, o BRUTE, hæc sententia est, quod non vere omnia patiamur, aut videamus, sed lubrica res sensus est & quæ facile decipiat.* Visa animi autem semel percepta ita in animis imprimuntur, ut non possint exstirpari, priusquam vera & genuina rei causa ipsis inter oculos posita fuerit. Statuat itaque de pulsantibus & mandentibus mortuis quilibet, quicquid velit, nos illos plane

plane negamus. Homines enim id percipientes vel a superstitione vel ab imaginatione decipiuntur.

§. XXX.

Ad aliud nunc descendimus phenomenon, quod superstitiosa plebs in masticatione mortuorum falso se animadvertisse credit, & propterea hinc removendum nobis sumimus. In eo illud consistit, ut perhibeant, mortuos in tali casu vestes suas devorare. At quis non noverit tritum illud, quo jam THEODOTUS olim apud PLUTARCHUM *in Vita Pompeji p. m. 432.* usus esse legitur, proverbium: *νεκρὸς ὁ δάκνει: mortuus non mordet*: Cessante animæ cum corpore commercio, omnes quoque animales cessant actiones. Loquimur autem hic de vere mortuis, non de Epilepticis, Syncopticis, Hystericis, aut Ecstatis. Hos aliquando tale quippiam patrasse legimus. Sed de his nobis hoc loco non est sermo. Relationes quidem, quas supra de masticantibus mortuis suppeditavimus, maxima ex parte in hoc consentiunt, mortuum vestes suas ferales, quantum ore attingere potuerit, devorasse & deglutivisse. Verum singulare illud, quod in primis hic sub examen vocare annitimur, exemplum Hungaricum de hac rei circumstantia nobiscum nil communicat. Effossus Plogojovitus vestes suas omnes adhuc integras habuit. Unicum quod hujus loci esse videtur, est sanguis ille in ore defuncti repperitus, de quo creditum fuit, ex interemtis suctum fuisse. Quid vero de hoc sentiendum sit, suo loco uberius declarabimus.

§. XXXI.

Hodierni Judæi, Turcæ & aliæ hujus furfuris gentes multa de hoc subterraneo mortuorum esu fabulantur, quæ brevibus hic exposuisse juvat. Mortuis ipsis quidem causam adscribere non tentant, ejusmodi anilibus tamen rationibus rei veritatem confirmare satagunt, quas nos sane refutare piget. De Judæis notum est, ipsos quatuor antesignanos Dæmones statuere, quos Sammaël, Azazel, Asiel & Muchazel nominant. Ex his Azazel ille est, qui cum socio suo Sainchafai ex coelis primum decidisse dicitur apud BUXTORFFIUM *in Lexic. Talmud. col. 1593.* De hoc itaque Judæi perhibuisse creduntur, angelum hunc in serpentem se mutasse, prius parentes insidiis decipisse, & ex divina maledictione posthæc condemnatum fuisse ad comedendam terram & pulverem, juxta *Gen. III. 14.* & *Jes. LXV. 25.* Ex hoc igitur efficiendum putarunt, Azazeli carnem animaleam & quicquid de corpore nostro post mortem supersit, relictum esse in cibum. At nuge sunt, quas ipsos Judæos protulisse pudebit.

XXXII.

Si dicere licet, quod res est, signum hoc est & narratiuncula
C quan

quam nostrates Judæis ex non recte intellectis Rabbinijs scriptis affinxerunt. Quicquid enim ad confirmandum hoc in medium produci potest, sumtum esse videtur ex BUXTORFFII *Synagog. Jud. c. XXXI*. ubi ELIAS GRAMMATICUS in *dictionary suo Tisbibi* in voce Chabat ita scripsisse fertur: opinio est Rabbistorum, quod postea, quam Judæus quispiam ex hoc mundo discessit & humatus est, veniens Angelus mortis super sepulchrum sepulti sessum eat, eodemque tempore anima ejusdem revertatur in corpus & erigat id ipsum, quodque tum angelus iste mortis ferream sumens catenam dimidia ex parte frigidam, dimidia ex parte calidam, bis corpus sive cadaver percutiat eadem, quodque percussione quidem prima peracta, membrorum corporis omnium alia ab alijs disjecta dilabantur, percussione vero secunda ossa omnia dispergantur; percussione denique tertia corollarii loco facta corpus totum in pulverem cineremque convertatur. Hactenus Elias Grammaticus. Quis vero exinde putaret, Judæos de serpente Azazel statuere, eundem vesci mortuorum cadaveribus? Communis interim hæc habetur esse sententia apud Scriptores, quos allegatos vide in GARMANNI *Tr. de Mirac. Mort. L. I. Tit. III. p. 124.* & PHIL. ROHRII *Diff. de Mast. Mort. c. I. Th. 3.* Idem nobis sentiendum quoque est de Mure illo Judaico, qui cadavera mox post sepulturam tam crudeliter mordere dicitur, ut præ doloribus claudere debeant. Nos figmentum hoc itidem esse arbitramur, etiamsi magnus ille Theologus MART. GEYERUS in *Tract. de Luctu Ebraeorum c. VI. §. 17. p. 103.* ex ANTONIO MARGARITA de Judæis expressis hæc verbis scripserit: *Scissione vestimenti super sepulchro facta cuncti magno cum strepitu & vociferatione e cæmeterio diffugiunt, ne lethiferum defuncti audiant clamorem, quem terra obrutus, atque a Mure naris admorsus edere creditur, & quo audito intra trigesimum diem mori itidem cogatur animadvertens.*

§. XXXIII.

Ab his delirijs non multum distant Muhamedani, qui ex vana superstitione persuasum sibi habent, quod si per quartam horæ partem in sepulchro cadaver quieverit, novus ei divinitus immittatur spiritus, duoque accedant angeli, quorum alterum Nechir alterum Remonchir nominant, qui ardentes facies manu vibrent, & sub forma terribili mortuum de vita anteacta examinent: Vitam ejus ubi sceleribus contaminatam esse intellexerint, flagris eum ignitis cædant, sin vitam ejus inculpata deprehenderint, speciosi forma angeli eum exornent, verbisque placidis consolentur. Habet hæc PHILIPPUS quidem LONICERUS in *Chron. Turc. Tom. I. p. 19.* Sed reliqui Scriptores circa narratiunculam hanc non conveniunt. SANDYS in *Itiner. p. 162.* & PHIL. BAL-

DUS

DUS in *Descript. Malab. & Coronand. Lib. I. c. VI. p. 29.* angelos hos nigros lividosque nunc Moncar & Nacir, nunc Mongir & Guarequit, nunc Mungir & Quoreghner nuncupant. EDO POCOKIUS in *Nor. Miscell. p. 241. seqq.* de sepulchrali hoc mortuorum examine hæc refert: *si mortuus recte responderit, suaviter obdormire jubent, sin minus, gravibus crucians malleorum ferreorum ictibus inter aures impressis, adeo, ut clamorem audiant, quotquot inter orientem sunt & occidentem.* GERARDUS CORN. DRIESCHUS in *der Historischen Nachricht von der R. Käys. Groß-Bothschaft nach Constantinobel, quilibet an. 1723.* Norimbergæ prodiit, hujus rei circumstantias *Lib. I. Sect. 8. p. 114.* ita enarrat: Turcæ, inquit, tumulos suos nostris multo ampliores faciunt, & hæc quidem de causa, ut nimirum mortui auxiliante bono angelo Gebrai seu Gabriele, cui in sepulchro certam assignant habitatiunculam, eo commodius possint pugnare cum malis spiritibus, quos Aruth & Maruth vocitant. At plura cum non addat, facile exinde conjicitur, omnem hanc rem non nisi superstitionis plebejæ facis esse hariolationem.

§. XXXIV.

Hujus farinae quoque esse videtur Ethnicorum ille spiritus, quem Eurynomon vel Euryonium vocant. Sacrorum interpretes, qui Delphis olim fuerunt, in Diis inferis spiritum hunc numerasse *καὶ ὡς τὰς σάρκας περιέδωκε τῶν νεκρῶν, μὴ σφίσιν ἀπολείπων τὰ ὅσα; &* circumrodere eum dixisse mortuorum carnes, ita ut nuda reliquerit ossa, testatur PAUSANIAS in *Phocicis f. Lib. X. p. m. 663.* Forma, qua Deastrum hunc adumbrarunt, horrida fuit ac terribilis. Pingebant enim illum exertis dentibus trucein & in vulturina pelle sedentem, cujus color inter coeruleum & nigrum medius sit. An idem ille fuerit spiritus Asuiti, de quo SAXO GRAMMATICUS *Lib. V. Hist. Dan. p. 82. 83.* memorat, in medio relinquimus. Ita vero de eodem cecinit:

*Nescio quo stygit Numinis ausu
Missus ab inferis Spiritus Asuiti,
Sevis aipedem dentibus edit,
Infandoque canem præbuit ori:
Nec contentus equi vel carnis esu,
Mox in me rapidos transtulit unguet
Discissaque gena sustulit aurem,
Hinc laceri vultus horret imago,
Emicat inque sero vulnere sanguis.*

Sed utnt sit, sufficit, ipsum PAUSANIAM de ejusmodi spiritus devorantis existentia admodum dubitasse. Ita enim *c. l. p. 664.* inquit: *Neque enim HOMERI de Ulyssæ carmina, neque possis ea, quæ est Miny,*

appellata, nec postrema, qua reditus inscribitur, (in iis enim patissimum libris de orco, deque inferum terroribus multa exposita sunt) ἱερός, ὡς ἀδύνα Ευρυπύκτωρ δαίμων; ullum norunt later manuum. Deos Eurytomum. Hæc ille.

§. XXXV.

Missis his nugis ad veri similiores nos convertimus hujus sepulchralis esus causas, quas in certis animalculis querendas esse arbitramur. De Hyæna & aliis ejusmodi Bestiis carnivoris, de quibus prolixè commentatur GARMANNUS *de Mir. Mort. L. I. T. III. p. 125.* nobis hic sermo non erit. Iste enim devorare perhibentur integra cadavera & sepulchris eruta, more ursarum in Russia, quarum rabiem in cadavera optime depinxit ADAM OLEARIUS *in Itiner. Pers. L. II. c. X. p. m. 119.* Testem hujus rei producimus divum CHRYSOSTOMUM, qui *Homil. XIII. sup. Marc. Tom. II.* ita inquit: *Hyæna nunquam videtur in die, sed semper in noctibus, nunquam videtur in luce, sed semper in tenebris, & hanc naturam habet, ut effodiat corpora mortuorum & ipsa edat; Denique si quis negligenter sepelierit mortuum, effodit nocte & tollit corpus & comedit: ubicunque sepulchra sunt, ubique ossa sunt, ibi cubile Hyæne est. Confer PLINIUM in Hist. Nat. L. VIII. c. 30. KORN-MANN. de Mir. Mort. P. X. c. 21. & RÖHRRIUM de Mast. Mort. c. 2. ib. 4.*

§. XXXVI.

De Strigibus sanguisugis multa quæ hujus loci esse possint, apud DELRIO *in Disquis. Mag. Lib. I. p. m. 6. & Lib. III. p. m. 355. & alios Scriptores commemorantur. OVIDIUS Lib. VI. Fastor. p. m. III. seq. eadem ita descripsit:*

*Sunt avidæ volucres, non quæ Phœncia mensi
Guttura fraudabant: sed genus inde trahunt.
Grande caput, stantes oculi, frustra apta rapina,
Canities pennis, unguibus hamus inest.
Nocte volant, puerosque petunt nutricis egentes,
Et vitiant cunis corpora rapta suis.
Carpere dicuntur lactentia viscera matris,
Et plenum poto sanguine guttur habent.
Est illis Strigibus nomen, sed nominis hujus
Causa; quod horrenda stridere nocte solent.*

Verum ex his nondum patet, easdem carnivoras esse. Audiamus hinc alium Poëtam hoc quidem multo inferiorem. Est ille JOH. STIGELIUS, qui *Poëmat. Tom. II. fol. 299.* de Strigibus ita canit:

Grande

*Grande illis & triste caput, semperque micantes
 Igne oculi, rostrumque capax hamoque timendum.
 Venter iners, crudo nunquam sine sanguine guttur.
 Multiplices unciq; pedes, aptique rapina,
 Corpora namque hominum sugunt & viscera rodunt,
 Humanoque gulam gaudent implere cruore.*

Si strigibus hinc in masticatione mortuorum aliquid tribuendum putaremus, enucleare inde egregie possemus causam, cur in ore supra defuncti Plogojovitiis repertus fuerit sanguis. Verum cum in cadavere illo non aliud occurreret devoracionis indicium, stolidam omnino nostra foret conjectura, si serio eidem insisteremus. Interim aves hasce revera existere ex ARISTOTELIS *Hist. Animal. L. IX. c. 30.* non dubitamus, easdemque sanguinem & quidem vivorum, præsertim parvulorum, leniter sugere concedimus; quod vero præterea etiam ubera infantum labris immulgeant, nostrum jam non est exponere. Sufficit tamen, possibile esse, eas interdum causam esse illius devoracionis, quæ in masticantibus mortuis plerumque animadversa esse dicitur.

— §. XXXVII.

Dantur adhuc plura ejusmodi animantia, quæ hominis carne vescuntur, quæque facile ad tumbas descendere & ibidem cadavera circumrodere possunt. Primum hic locum merentur serpentes, de quibus constat, quod admodum delectentur dulcibus carnibus & avium & quadrupedum & inprimis hominum. Amant præterea loca calida, prout sunt coemeteria, quoniam natura frigida sunt. Videatur hinc dici angues ab angulis & colubri a colendis umbris, quia semper in umbris & herbis latitant & domicilia sua in cavernis subterraneis quæruunt. Quis inde non intelligeret, serpentes gaudere cadaveribus humanis? Sunt, qui eam PLINIO in *Hist. Nat. L. X. c. 66.* perhibent, nasci quosdam serpentes ex medulla hominis spinali: quod etiam defendunt PLUTARCHUS in *vit. Cleomenis*: LEV. LEMNIUS de *Occult. Nat. Mir. L. IV. c. 12.* JO. BAPT. PORTA in *Mag. Nat. L. II. c. 2.* OVIDIUS *Lib. XV. Metamorph.* CAMERAR. in *Hor. succ. cent. 1. c. XI. p. 45.* FORT. LICETUS de *spons. vivip. ortu*: M. AUR. SEVERIUS de *Vipera Pythia* c. X. ATH. KIRCHERUS & multi alii. Sed sententiam hanc ex professo refutatam habemus a SENNEREQ. in *Hypomn. V. c. 8. p. 524.* SPERLINGIO in *Zool. Phys. L. VI. c. II. p. 438.* & FRANC. REDI in *generat. insect. p. 149.* Nostrum jam non est controversari. Hinc non nisi exinde confirmamus, quod serpentes in cadaveribus humanis revera interdum habitacula sua habeant & carne eorum vescantur, juxta illud SYRACIDIS c. X. 12. pronunciatum:

C 3

bomo

homo si mortuus est, comedunt ipsum serpentes & vermes. WOLFFG. FRANTZIUS hoc in *Hist. Anim. P. IV. c. I. p. m. 780.* non solum suo confirmat testimonio, sed præterea addit, serpentes in sepulchris humanis quandoque nasci etiam posse, etsi non ex medulla humana id fieri asserat.

§. XXXVIII.

Si quando itaque exempla prostant de cadaveribus humanis, quæ amacula sua feralia ori vicina deglutivisse videntur, causa hujus phænomeni ex supra dictis facile suppeditari poterit. Rem enim in totum negare nolumus, cum multorum *αυτοψία* evictum sit, qui se vidisse perhibent, cadavera non lintea solum attrivisse, verum etiam prorsus deglutivisse. At quid dicamus de linteis? ipsas suas carnes devorasse legimus. Factum hoc esse dicitur tempore Lutheri, prout ad ipsum scripsisse fertur M. GEORGIUS KOERERUS de cadavere aliquo, quod in pago ejus in propria sævierit viscera. Idem exemplum etiam refert HOHDORFFIUS in *Theatr. Hist. p. 147.* de muliere quadam mortua sese ipsam in tumultu devorante. Confer pluribus KORN-MANNUM de *Mirac. Mort. P. VI. c. 64.* HARSDÖRFFERO si insuper fidere volumus, ille in *Theatr. suo Trag.* exemplum etiam producit de masculo cadavere in Moravia, quod plane non sua feralia lintea, sed quæ fuerunt vicinæ nauticæ, devoraverit.

§. XXXIX.

Quid de his itaque dicamus? Nec Diabolo nec ipsis mortuis hic temere aliquid adscribendum putamus. Causam qui in animantibus subterraneis, quorum sub terra magna datur copia, quæsierit, non erraverit. Pertinent huc glijres, mures, talpæ & id genus alia: de quibus satis constat, quod omnibus vescantur ad implendos suos esurientes ventriculos. Testem habemus GEORGIUM AGRICOLAM de *Anim. subterr. p. m. 32.* qui de muribus ita scribit: *vescitur non modo fructibus, sed etiam pane, carne, piscibus, jure, pulmento: cupide vero lacte, butyro, caseo, quæ cum mandis, oris suctu, sonitum sic uti porcellus edit.* Enimvero, dixeris, cur quæso devoratio sepulchralis circa cadaverum duntaxat os & faciem observetur, si eadem non nisi animantibus quibusdam carnivoris adscribenda sit? Respondemus, fieri hoc propter partium istarum nudationem. Totum enim corpus ante sepulturam amictu ferali obtegi solet præter faciem, collum & manus. Cætera igitur corporis membra plerumque in tumulis illæsa manent. Manus vero, cum propter suam matritudinem nullum hujusmodi animalculis pastum præbeant, etsi non quidem obtegitæ sint, tamen involatæ conspiciuntur. Faciem autem & collum quod juxta cum pectore propter pinguedinem & carnositatem esu dulci-

cissimum est, dentibus suis facillime arrodunt. Sed hæc de muribus dixisse sufficiant.

§. XL.

Quicumque vero de Sepulchrali hac murium comestione adhuc dubitat, millos pro lubitu eodem faciat & animo suo potius ad serpentes revertatur, ubi genuinam forsitan feralis mortuorum devorationis causam deprehendat. Hoc enim animantium genus cavernas subterraneas inhabitat: cadaverum carne vescitur & in sepulchris sæpiusculè deprehensum fuit. FRANZIUS de iisdem in *Hist. Anim. p. m. 776.* inter alia observat, quod earne, quas accipiant, exugere soleant, sed intus non foris, quia foris exugere carnes, proprium sit araneorum. Exinde igitur patere videtur, cur nullum de ipsorum præsentia referatis tumbis extet vestigium. Inhabitantes nimirum cadavera & per faucium foramina se quovis modo subtrahunt hominum conspectui. Nullum insuper dubium est, eosdem primum intestina devorare & sibi postea intra ossium structuram quasi habitaculum parare. Nemo nunc mirabitur, si apud HARSDÖKFERVM in *Theatr. Trag. p. 406.* legerit, quod an. 1345. cadaver aliquod muliebri in oppido quodam Bohemico feralis sui amicali dimidiam deglutiverit in sepulchro partem. Item si ROHRIUS in *Diff. de Mastic. Mort. c. 2. th. 10.* referat de cadavere haud procul ab hac alma nostra civitate an. 1672. effosso, ex cujus ore carnifex magnam extraxerit fasciam; quam mortuus uxori suæ de capite sustulisse & deglutivisse credimus fuerit.

§. XLI.

Verum si fateri licet, putamus serpentes cadavera hæc omnino inhabitasse & intus talia ad se traxisse pepula. Egredere enim cum plerumque ferant propinqui aliique adstantes, ut membrorum dissectio cum ejusmodi cadavere instituitur, genuina hujus devorationis causa adhuc occulta mansit, semperque manebit, nisi exuta denique superstitionis larva aliquando diligentius in rei hujus veritatem inquiratur. Verum enimvero quicquid jam in medium a nobis prolatum sit de mortuorum devoratione, nulla ex parte tamen ad ipsum inferialis masticationis prodigium spectat. Nil enim causæ hic se sistit, quod viventibus mortem contrahat, quod tamen præcipuum & observatum maxime in tali casu dignum est. Accidere enim in omnibus cadaveribus potest, quicquid supra de causis infernalis voracitatis memoravimus, idque citra omne vitæ periculum, quod viventibus propterea ex erronea vulgi opinione imminet.

§. XLII.

Tertium, quod nunc brevibus remove debemus, præjudicium versatur circa defunctorum sexum. Communis fere sententia esse solet omnium, qui de hac re aliquid literis mandarunt, masticationem mortuorum

tuorum non nisi in cadaveribus observari foemininis. Ita e. g. putat ROHRIUS in *Diff. de Mort. Mast. c. 1. th. 6.* quanquam expresse simul concedat, utriusque sexus cadavera ab Historicis exhibita fuisse masticantia. PITZSCHMANNUS in *Leichen-Redner P. II. qu. 36. p. 856.* omnia de viris masticantibus exempla in dubium vocare annuitur. Opinionem hanc itidem ex superstitione ortam esse censemus. Accidit forsitan, ut prima, quæ de hoc Naturæ prodigio innotuerunt, exempla in mulierculis animadversa sint; hinc superstitio statim suppeditavit rationes Theologicas, cur Diabolus, cui id temere adscripserunt, in sexu debiliore tale quippiam effecerit. Hæc opinio in hominum animis ita inveteravit, ut ex iisdem nunc demum vix excuti queat. SCHLUSSELBURGIUS in *Explic. Ps. XCI. p. 157. seqq.* hanc propterea urget causam, quia *Diabolus sit hostis æmicosque sexus sequioris, quod ex eo natus, qui ipso ἰσχυρότερος; hinc omnem moveat lapidem, ut quocunque modo mulierum famam lancinet.* In hoc consentiunt etiam ADAM RÔTHERUS in *Conc. 2. Medit. de peste*: MART. BOHEMUS in *conc. 17. von den drey Land-Plagen, inpr. de Peste. p. 315. it.* GARMANNUS *c. 1. p. 133.* qui simul addit, quod cum mulieres nemo non, teste STRABONE *Lib. VII. Geogr. fol. 205.* superstitionis agnoscat autores, Diabolus hoc ipso facilius dementet, largioresque fructus superstitionis ferat zizania.

§. XLIII.

Nos non videmus, cur Diabolus imprimis mulieres diffamet, cum jam ante sint maribus semper habitæ multo inferiores. Christus ex muliere quidem genitus est, sed formam tamen nonnisi masculam assumpsit & virilem. Putaverim hinc, Diabolum satius fecisse, si sexum priorem aliqua ratione diffamare & foeminino sexu inferiorem reddere conetur. Sed quid multum hariolemur, cum res extra omnem jam posita sit dubitationis aleam. Prostant enim de utroque sexu sepulchralis masticationis exempla, inter quæ ceu palmarium eminet illud, quod ex Hungaria nuper accepimus, ubi non foemina sed mas istius masticationis reus deprehenditur.

§. XLIV.

Quartum, quod superstitioni vulgi debetur in masticatione mortuorum præjudicium, circa tempus versatur, quo imprimis cadavera in cryptis mortuorum glocitasse dicuntur. Communis sententia est, fieri hoc tempore pestis. Verum quanquam concedamus, plurima omnino nobis illo tempore innotuisse exempla, causa propterea tamen non in ipsa peste quaerenda est. Pestis non nisi occasionem suppeditavit, ut prodigium hoc magis patefactum atque in forum prolatum sit. Tempore enim, quo pestilentia urit simul urbem atque agros, & continua contagio populum conficit,

conficit, emortua plerumque corpora iustis exequiis & sepultura carent. Vespillones insuper cum die noctue tum in cœmeteriis officio fungantur & inter medios quasi mortuos vivant, non mirum est cur mortuorum masticatio tunc temporis vel maxime innotuerit. Miracula enim mortuorum nunquam melius patefieri possunt, quam infausis hisce pestis temporibus. Interim locum hoc aperuit opinioni, qua mortuorum masticatio non solum luis contagiosæ causa esse dicitur, sed etiam ut eadem tamdiu duratura sit, usque sublata demum hac causa tollatur effectus. At error hoc est & in Doctorum animis effusa caligo, ejusmodi adstipulari ineptiis. Res nullis nititur veritatis fundamentis, cum totidem prostent exempla de mortuis extra pestis tempora masticantibus, quot a scriptoribus solent proferri, quæ non nisi intra contagiosa hæc tempora fuerint animadversa. Nobis jam sufficit vel ad solum illud Hungaricum provocare exemplum, quod nec tempore pestis accidisse, nec pro causa pestis habitum fuisse legimus, quanquam plebs alias admodum superstitiosa ibidem esse videatur.

§. XLV.

Dux autem inprimis causæ sunt, quæ ab iis afferri solent, qui mortuorum esum ad tempora pestis restringunt. Prima *terror* est, quem Diabolus hominum animis per ejusmodi prodigium incutere dicitur. Provocant propterea ad illos Medicos, qui terrorem in peste & aliis morbis acutis contagiosis plus valere pronunciant, quam ullum reale contagium, prout ita sensisse cernimus B. RIVINUM in *Diff. de peste Lips. c. 2. p. 22.* Diabolum consummatum dicunt Physicum variisque experimentis a mundo condito ad hoc usque temporis momentum instructissimum; qui ad unguem hinc noverit & cognoscat, quantum terror in hominum animis valeat. Hic enim cum in *imaginatione aliquam fidem timoremque vebat, se aliquid contagionis actu banxisse sub incertitudine & agonia, eo quod venenum pestis sit invisibile; particula hæc fidei cum perturbatione terroris perficiat tandem actualem imaginem in Archæo generanda pestis semen:* uti ratiocinantem sic præ aliis deprehendimus HELMONTIUM in *Tract. Tumulus pestis p. 860. seq.* Theologi, quibus Diaboli malitia in primis curæ cordique est, in hoc, quod ad terrorem spectat, omnes fere consentiunt; at non tam physicis quam Theologicis rationibus sententiam suam student corroborare. Audiamus itaque MART. GEYERUM, qui in *Disqu. de superstitione c. 3. §. 37* ita loquitur: *Damon vult hujusmodi infausis signis metum incutere hominibus, ut turbatis in corpore humeribus eo facilius mors triumphare possit.*

§. XLVI.

Nos his omnibus non adversabimur. Concedimus potius, Diabo-
D lum

lum bonum esse Physicum; largimur, eundem hominum vitæ quovis modo insidiari; ad stipulamur etiam istis, qui terrori multum in contagiosis morbis tribuunt. Verum hæc prorsus non huc quadrare, nec ad evertendam nostram hypothesein aliquid facere videntur. Nobis enim sub quæstione tantummodo est, num Diabolus, si masticationis prodigium edat, hominibus intendant ejusmodi incutere terrorem, ut inde vel pestis oriatur vel majori contagio sæviat. Ex supra dictis nil relinquitur, nisi quod hic vel alter interdum tempore pestis propter perceptam mortuorum masticationem ita possit percelli, ut ipsa pestis labe inficiatur. Verum si quærimus, unde hic terror veniat, non aliam possumus allegare causam, quam ipsam superstitionem, quia pavidus homo putaverit, masticationem hanc a Diabolo provenire & signum multo gravioris adhuc esse pestilentie. Hæc si ignorasset, animus ipsius nulla formidine perterritus fuisset. Quis itaque non inde concludat, non tam Diabolum, quam nosmet ipsos in tali casu causam hujus lethiferi esse terroris, cum mentes hic non nisi ex præconcepta opinione commoveantur?

§. XLVII.

Terrorem ipsum vero quod attinet, eum admodum pauci ex Medicis & Physicis inter genuinas pestilentie causas numerant. Experientia enim pro dolor! nos satis superque edocuit, pestem omnino secum aliquid vehere, quod per se contagiosum sit. Hoc ex eo vel maxime liquet, quod eadem cum mercibus, vestibus, lanis, linteis, aliisque hujusmodi rebus ex una regione in alteram plerumque transferri solet. Accedit, quod inter omnes constet, stragem hanc mortalitatis in illis in primis regionibus, quæ versus orientem sitæ sunt, incendio suo flagrare. Jam vero regiones istæ a Muhamedanis inhabitantur, qui inter fidei suæ articulos eum inprimis receperunt, qui agit de necessitate fati. Maxime itaque miratu dignum foret, si ibidem pestis grassetur, cum gentes istæ ex hoc principio nil minus quam pestis venena reformident. Testatur insuper hoc expressis verbis DRIESCHIUS in *der Gross-Botbschafft nach Constantinopel*, ubi L. IV. p. 21 meminit, Turcas in media peste minimam ejus habere rationem. Ex hoc apparet, quid de illa quoque hypothesei judicandum sit, quam de peste fovet personatus iste JO. SAMUEL CARL VON PEST-ENGEL in *voto suo Medico ad moderna pestis consilia*. Causam enim hic contagii non nisi ex mundo spirituali petit, ita philosophando: si anima humana a principio aliquo ex superiori angelorum mundo prognato terreatur & per magiam penetrabilem afficiatur, mixtionem suam naturalem præ metu ac timore missam faciat, putredinique inferiori locum relinquat. Sed Autor hæc nil nobis dixisse videtur verbis.

§. XLVIII.

§. XLVIII.

Alteram, quam adversarii proferunt rationem pro adstruenda sua hypothefi, quod fcilicet Diabolus per masticationem mortuorum pestem excitare tentet, defunctam esse deprehendimus a *venenatis miasmatis*? quæ ex apertis sepulchrorum cryptis exhalant. Perhibent enim, Diabolum in masticatione mortuorum intendere refolutionem cadaverum, ea quidem de caufa, ut ifta tetro futo vapore contagiofa lue inficiant aërem. Verum exempla, quæ confirmationis gratia fuppeditant, nil probant. Ita e. g. **FORST. LICEIUS** quidem in *Libr. de annul. antiqu. c. 23.* de tribus vespillonibus enarrat, a fepulchri fœtore eodem fubito fuffocatos effe. At quis inde tamen fequi putaret, fieri hoc plerumque? Licetis firei circumftantias, in primis ratione morbi, quo defunctus interiit, addidiffet, genuina forfitan nobis fubitæ hujus mortis caufa pateret. Interea obfer- vaffe nobis fufficiat inde faltem non pestem coortam effe. Exemplis equi- dem confirmari poteft, eam interdum ex cadaverum fœtore omnino prognatam effe. Verum non unius cadaveris, fed multorum millium veneficas tunc in aëre coaluiffe credimus exhalationes.

§. XLIX.

AMBROSIO itaque **PAREO** nos non denegabimus fidem, quando *Libr. X. Chirurg. c. 13.* refert, aliquando pene multa interfectorum homi- num cadavera in puteum centum ulnas altum projecta fuiffe, atque hinc tam fatidum & venenatum vaporem fufcitatum effe, ut multa hominum millia per totam *Agennenfium* provinciam tanquam peste interierint. **CÆSAR RIPA** bene propterea de peste c. IV. p. 135. annotaffe dicitur, non tam mortuorum quam viventium gratia fepulchra reperta effe, ad removendum nempe fœtorem ex cadaveribus proveniente. Num autem **CORNELIUS A LAPIDE** in *Commentar. in Amos. c. VI. p. 320.* exinde recte conclufcrit, fi e caufis, cur cadavera Romani combufferint, & hæc fuiffe cenfuit, ne fœtor eorum vivis pestem afflaret, nobis jam non exami- nandum incumbit. Interim ad quotidianam tuto provocare poffumus experientiam, quæ plusquam centum nobis in medium producere poteft exempla, ubi fepulchrorum cryptæ fine ullo intertrimento apertæ fuerint. Hæc cum ita fint, facile liquet, non fatis vere dici, diabolum per masticationem mortuorum intendere, ut oriatur peftis.

§. L.

Reftat adhuc quintum & ultimum præjudicium, quod nobis in hac doctrina excutiendum fuimus. Deprehendimus illud in opinione, qua creditur, masticationem mortuorum non nifi propinquorum mortem accelfere. Vulgi inprimis mentem perfuafio hæc fascinavit. *Sie prophe- zeyn, es werde der Todt die nächften Anverwandten und Freunde nach-*

bohlen. Hujus superstitionis reum etiamprehendimus KORNMAN-
NUM *de Mir. Mort. P. VII. c. 64.* qui ejusmodi affert rationes, quæ alias
peti solent a caulis, cur in peste & aliis contagiosis morbis unius interdum
mortem totius sequatur familiæ interitus. Verum cum de peste jam nobis
non sermo sit, sed saltem de mortuorum masticatione, quam dictus
KORNMANNUS juxta supra allegatum & excussum præjudicium pro
pestit adjuncto habet, iisdem non immorabimur. Videtur istud quidem
veri simillimum esse, cum omnino masticantes mortuos totam interdum
familiam ex numero viventium exturbasse legamus. Verum per accidens id
tantummodo factum fuisse dicimus, prout suo loco demonstrabitur. Exem-
pla enim, quæ afferri solent, non unam tantum domum, sed totos interdum
pagos hac mirabili strage deletos fuisse testantur. Patet hoc in primis ex
Hungarica illa relatione supra a nobis §. 12. recitata, ubi illius loci incolæ
aras atque focos voluerunt relinquere, quia verendum putarunt, totum
denique pagum interiturum esse, prout olim jamjam, cum adhuc sub
Turcarum potestate sudaverint, factum fuisse sciverunt. Et sic est. Mortuo-
rum masticatio omnino viventium mortem causatur. At non tam in pro-
pinquos contagia sua sævit, quam in eos potius, qui cum defuncto paulo
ante ejus obitum maximam habuerunt familiaritatem.

§. LI.

Rejctis quinque hisce circa mortuorum masticationem præconceptis
opinionibus, nobis nisi duo adhuc de hoc Naturæ prodigio remanent
phænomena, quæ sunt 1) *vegetantia cadaveris*, & 2) *nociva ejusdem in
vivos operatio*. Hæc ex sobriis nunc Naturæ principiis pro virium tenui-
tate explicare deberemus. Verum cum paginarum angustia hoc in præsentia
prohibeat, ignoscas quæso B. L. quod desideriis Tuis obicem hic
posuerim. Firmiter Tibi interim persuasum habeas, me in *Dissertatione
altera eaque posteriori*, quæ inscribetur: PHILOSOPHICA, brevi ex-
soluturum esse, quæcunque Tibi jam promiserò. Vale & de
hisce pagellis ita judica, ut ab humanitate Tua
quovis modo sperare jubeor.

SOLI DEO GLORIA.

Errata, quæ præter opinionem irrepererunt:

P. 1. l. 14. lege: *phænomena*: p. 2. l. 5. lege post *assignare*: *qui vellet*, it. *philosophatus*
p. 10. l. 5. lege: *phantasma*. p. 15. l. 6. lege: *animabus*. ib. l. 28. lege: *presentaneo*.
p. 16. l. penult. lege: *ante oculos*, p. 20. l. 27. lege: *rostra*. Cætera ipse corrigat B. L.